

energiyadan foydalanish uchun xizmat qilishda va samaradorlikka erishish uchun qilinayotgan chora-tadbirlarni amalga oshirish natijasida yillik qo'yilgan maqsadlarga erishish uchun asosiy poydevor bo'lib xizmat qilishi kutiladi.

Xulosa va takliflar. Amalga oshirilgan tadiqotlar va tahlillar asosida yashil iqtisodiyotga o'tish jarayonida energetika bo'yicha energiya samaradorligini oshirish, qayta tiklanuvchi energiyaga o'tish bo'yicha quyidagilarga e'tibor qaratish lozim deb hisoblaymiz:

Birinchidan, global miqiyosda yashil iqtisodiyotga o'tish maqsadlariga muvofiq harakatni amalga oshirishda ekologik innovatsiyalardan foydalanishni kengroq yo'nga qo'yish lozim. Bu orqali ko'rilaoyotgan chora-tadbirlar atrof-muhitga salbiy ta'sirini kamaytirish, tabiiy resurslardan oqilona foydalanishga erishish mumkin.

Ikkinchidan, yashil iqtisodiyotga o'tish maqsadlarini qo'llab-quvvatlovchi yashil moliya instrumentlarini joriy qilib foydalanishni ko'paytirish, bu orqali rejalashtirilgan moliyaviy barqarorlikka erishishga va global muammolarni mamlakat miqiyosida bartaraf etishga erishish mumkin.

Uchinchidan, ekologik muammolar uchun ishlab chiqilayotgan yechimlarni amalga oshirishda tartibga soluvchi davlat ichki va xalqaro-huquqiy bazasini shakllantirish, hukumat tomonidan qo'llab-quvvatlash ishlarini oshirish zarur.

To'rtinchidan, ekologik xavfsizlikni ta'minlash maqsadida mamlakat aholisi yashash sharoitlarini yengillashtirib berishga xizmat qiluvchi innovatsion ekologik toza texnologiyalardan foydalanishni ko'paytirish uchun hukumat tomonidan qo'llab-quvvatlash ishlarini olib borishi va nodavlat-notijorat tashkilotlariga ham yuklash ishlarini olib borishi zarur.

Manba va foydalanigan adabiyotlar ro'yxati:

1. O'zbekiston Respublikasi Prezidentining "2022-2026-yillarga mo'ljallangan yangi O'zbekistonning taraqqiyot strategiyasi to'g'risida"gi 28.01.2023. PF-60-sonli Farmoni. <https://lex.uz/uz/docs/-5841063>
2. Franklin Amuakwa-Mensah, Elin Nasstrom, Role of banking sector performance in renewable energy consumption. Vol. 306, 15 January 2022. <https://www.sciencedirect.com/science/article/pii/S0306261921013222>
3. Huaping Sun, Gulzara Tariq, Ik Joong Youn, Sofia Mansoor. Impacts of green energy finance on eco-friendly environments. Vol.79, Dec. 2022. <https://www.sciencedirect.com/science/article/abs/pii/S0301420722005785>
4. Samar S.Alharbi, Md Al Mamun, Sabri Boubaker, Syed Kumail Abbas Rizvi. Green finance and renewable energy: A worldwide evidence. Vol.118, February 2023. <https://www.sciencedirect.com/science/article/abs/pii/S0140988322006284>
5. United States Environmental Protection Agency https://www.epa.gov/sites/default/files/2018-10/documents/usepa_greenbankingstrategies_october_2018.pdf
6. Bannopov F. Yashil obligatsiyalar va ularning keng ko'lamlari rivojlantirish imkoniyatlari. Moliya va Bank ishi jurnali. 3 (2022) <http://journal.bfa.uz/index.php/bfaj/article/view/34/32>
7. Nurov Z. Yashil iqtisodiyotda energetika sohasining iqtisodiy-investitsion holati va rivojlanish tendensiyalari. Central Asian Academic journal of scientific research. Vol.2. issue 5, 2022.
8. A.A.Jasdanov. "Yashil iqtisodiyot":xususiyatlari va rivojlanish omillari. <https://cedr.tsue.uz/index.php/journal/article/view/14/10>
9. M.Pardayev. "Yashil iqtisodiyot nima?", maqola. [Yashil iqtisodiyot nima? - zarnews.uz](#)
10. Sociology group rasmiy internet sayti. <https://www.sociologygroup.com/green-economy/>
11. BMT rasmiy sayti <https://www.un.org/en/chronicle/article/goal-17-enabling-sustainable-future-through-joint-action-countries-and-communities-revitalized>
12. Birlashgan Millatlar Tashkiloti O'zbekiston vakolatxonasi rasmiy sayti. <https://uzbekistan.un.org/uz/110345-17tadunyoniozgartirishga-vonaltirilgan-barqaror-rivojlanish-maqсадлари>
13. O'zbekiston Respublikasi Energetika Vazirligi rasmiy internet sayti. <https://minenergy.uz/uz/news/view/2211>
14. O'zbekiston Respublikasi Prezidentining "2023-yilda Qayta tiklanuvchi energiya manbalarini va energiya tejovchi texnologiyalarni joriy etishni jadallashtirish chora-tadbirlari to'g'risidagi"gi 16.02.2023 PQ-57-son qarori. <https://lex.uz/uz/docs/-6385716>
15. O'zbekiston Respublikasi Markaziy Banki ma'lumotlari 01.04.2023.



КРЕДИТ МЕХАНИЗМИНИНГ ЭЛЕМЕНТЛАРИ ЎРТАСИДАГИ АЛОҚАДОРЛИКНИ ТАЪМИНЛАШ ЙУЛЛАРИ

Гадоев Сўҳроб Жумакулович -

Термиз давлат университети

Молия кафедраси мудири, PhD, доцент

doi: https://doi.org/10.55439/ECED/vol24_iss4/a11

Аннотация. Кредит механизмининг самародорлиги бевосита унинг элементлари ўртасидаги алоқадорликнинг уйгунилиги таъминланганлиги билан белgilanади. Xусусан, кредит механизмидаги элементлардан биронтасининг самарасиз ишлаши бутун механизмнинг самародорлигига салбий таъсир кўрсатади. Жумладан, кредит шартномасини тузиша камчиликларга ўйл қўйилиши кредит риски даражасининг ошишига олиб келади. Мақолада кредит механизмининг элементлари ўртасидаги алоқадорликни таъминлашга қаратилган илмий тақлифлар ишлаб чиқилган.

Калим сўзлар: кредит, кредит механизм, кредит шартномаси, кредитлаш шакллари, кредитларнинг таъминоти, кредит риски.

СПОСОБЫ ОБЕСПЕЧЕНИЯ ВЗАИМООТНОШЕНИЙ МЕЖДУ ЭЛЕМЕНТАМИ КРЕДИТНОГО МЕХАНИЗМА

Гадоев Сухроб Жумакулович -

Заведующий кафедрой финансов Термезского государственного университета, PhD, доцент

Аннотация. Эффективность кредитного механизма напрямую определяется обеспечением гармонии взаимоотношений между его элементами. В частности, неэффективная работа любого из элементов кредитного механизма негативно сказывается на эффективности всего механизма. В частности, допущение ошибок при заключении кредитного договора приводит к повышению уровня кредитного риска. В статье разработаны научные предложения, направленные на обеспечение связи между элементами кредитного механизма.

Ключевые слова: кредит, кредитный механизм, кредитный договор, формы кредитования, предложение кредитов, кредитный риск.

WAYS TO ENSURE RELATIONS BETWEEN THE ELEMENTS OF THE CREDIT MECHANISM

Gadoev Suhrob Jumakulovich -

Head of the Department of Finance, Termiz State University, PhD, associate professor

Abstract. The effectiveness of the credit mechanism is directly determined by ensuring the harmony of the relationship between its elements. In particular, the inefficient operation of any of the elements of the credit mechanism adversely affects the effectiveness of the entire mechanism. In particular, making mistakes when concluding a loan agreement leads to an increase in the level of credit risk. The article developed scientific proposals aimed at providing a connection between the elements of the credit mechanism.

Key words: credit, credit mechanism, credit agreement, forms of credit, credit offer, credit risk.

Кириш. Ўзбекистон Республикаси Президентининг 2020 йил 12 майдаги ПФ-5992-сонли “2020-2025 йилларга мўлжалланган Ўзбекистон Республикасининг банк тизимини ислоҳ қилиш стратегияси тўғрисида”ги фармонида молия бозорида тенг рақобат шароитларини яратиш, фақатгина бозор талаблари асосида кредитлаш, банкларнинг давлат ресурсларига бўлган қарамлигини камайтириш, кредит портфели ва таваккалчиликларни бошқариш сифатини яхшилаш, кредитлаш ҳажмларининг мўътадил ўсишига амал қилиш, молиявий таваккалчиликларни баҳолаш учун технологик ечимларни татбиқ этиш мамлакат банк тизимини ислоҳ қилишнинг устувор йўналишлари сифатида эътироф этилган[1]. Бу эса кредит механизмини тақомиллаштириш заруратини юзага келтиради. Ўз навбатида, кредит механизмини тақомиллаштиришнинг зарур шарти бўлиб, унинг элементлари ўртасидаги алоқадорликни таъминлаш ҳисобланади.

Мавзуга оид адабиётлар таҳлили. Кўпчилик иқтисодчи олимлар томонидан кредит механизмининг элементлари сифатида қўйида-гилар эътироф этилган:

- кредит шартномаси;
- кредитни бериш ва қайтариш тартиби;
- кредитнинг турлари;
- кредитлаш шакллари;
- кредитларнинг таъминоти;
- кредитларнинг фоиз ставкалари;

- кредит олувчининг кредит тўловига лаё-каталигини баҳолаш тартиби [2].

Кредит шартномасини тузишга нисбатан бир қатор талаблар мавжуд бўлиб, улар иқтисодчи олимларнинг илмий ишларида ўз ифодасини топган. Масалан, О.Лаврушининг холосасига кўра, кредит шартномасининг шартлари тижорат банкини кредит рискидан ҳимоя қилиш ва кредит олган субъектнинг кредитдан фойдаланиш самарадорлигини таъминлаш имконини бериши керак [3].

Е.А.Шқарупанинг холосасига кўра, кредит механизми ўзаро боғлиқ элементларнинг ҳаракатлари мажмуи бўлиб, ссуда капитали ҳаракатининг намоён бўлиш шаклидир [4].

А.Ю.Роднина кредит механизмини таркибий-функционал ёндашув ва кредитнинг доиралай айланиши талқини нуқтаи-назаридан қарайди ва унга қўйидагича таъриф беради: “Кредит механизми кредит муносабатлари иштирокчиларининг ўзаро келишилган манфаатлари бўлиб, ўзида ҳам ссуда капиталининг ҳаракати мақсадларини, ҳам кредитнинг рағбатлари ва трансформациясини акс эттирувчи ўзаро алоқалар ва муносабатлар тизими шаклида намоён бўлади” [5].

В.Усоскиннинг холосасига кўра, тараққий этган мамлакатларнинг банк амалиётида тижорат банкларининг кредитлари учун таъминотнинг кенг тарқалган турлари қўйидагилар ҳисобланади:

- ер;

- қимматли қоғозлар;
- дебитор қарздорлик;
- товарлар билан боғлиқ бўлган ҳужжатлар асосида тақдим қилинган товарлар;
- суғурта полислари [6].

И.Алимардонов томонидан амалга оширилган илмий тадқиқот натижалари кўрсатдикি:

*республика банклари талаб қилаётган юқори ликвидли гаров обьектлари кичик бизнес субъектларининг кўпчилигида мавжуд эмас;

*кичик бизнес субъектларига республикализ тижорат банклари томонидан хорижий банкларнинг кредит линиялари ҳисобидан берилаетган кредитларнинг фоиз ставкалари юқорилиги;

*кичик бизнес субъектларини банклар ва нобанд кредит ташкилотлари томонидан кредитлашнинг услугий асослари такомиллашмаган. Хусусан, банклар томонидан кредитлашнинг услугий асослари қайси принципларга таяниши, уларнинг нобанд кредит ташкилотлари томонидан кичик бизнес субъектларини кредитлаш принципларидан фарқ қилувчи жиҳатлари амалдаги қонунчилик ҳужжатларида ўз ифодасини топмаган [7].

Тадқиқот методологияси. Кредит механизмининг элементлари ўртасидаги алоқадорликни таъминлаш йўлларини тадқиқ қилиш жараёнида хориж ва ўзбекистонлик иқтисодчи олимларнинг илмий тадқиқот ишларини таҳлил қилиш, муаллиф тажрибалари билан қиёсий таҳлил ўтказиш орқали тегишли йўналишларда хуласа қилинди ва таклифлар берилди.

Таҳлил ва натижалар. Ўзбекистон Республикаси тижорат банкларининг кредитлаш амалиётида кредитлашнинг энг кенг кўлланиладиган шакли бўлиб, алоҳида ссуда счётидан бир маротабали кредитлаш шакли ҳисобланади. Аммо ушбу кредитлаш шакли қўйидаги жиддий камчиликларга эга:

* кредитни бўлиб тўлашга рухсат этилмайди;

* кредитдан фойдаланилиши устидан назорат қилиб бўлмайди;

* кредитдан фойдаланиш самарадорлиги паст.

Англия банк амалиётида овердрафт шаклида кредитлаш жараёнида юзага келадиган кредит риски даражаси ошиб кетишининг олдини олиш учун кредит олган мижозга ҳар ойнинг сўнгги иш кунида жорий ҳисоб рақамининг кредитли қолдиққа эга бўлишини таъминлаш талаби қўйилади.

Пластик карталар эгаларини банклар томонидан овердрафт шаклида кредитлаш жараёнида юзага келадиган кредит рисклари билан бир вақтнинг ўзида операцион рискка ҳам эътибор қаратиш талаб этилади. Бунинг сабаби шундаки, операцион риск даражасининг ошиш эҳтимоли овердрафт кредитлаш шаклида нисбатан юқоридир. Чунки овердрафт таъминланмаган кредит бўлиб, мижозни кредитлаш лимитини катта миқдорда ошириш имконияти мавжуд.

Тараққий этган мамлакатлар тажрибаси амалиётида кредит рискини бошқариш амалиёти такомиллашган шароитда овердрафт кредити тижорат банклари учун юқори даромад келтирувчи актив бўлиб ҳисобланади. Лекин бошқа томондан овердрафт кредити реал таъминотга эга бўлмаган юқори рискли актив ҳисобланади. Бу эса кредит рискини бошқаришнинг долзарблигини оширади.

Кредит оловчиларнинг кредит тўловига лаёқатлилигини баҳолаш тартиби тижорат банклари ва кредит оловчилар ўртасидаги кредит муносабатларининг асосий масалаларидан бири ҳисобланади.

АҚШ тижорат банклари мижозлари бўлган юридик шахсларнинг кредит тўловига лаёқатлилигини баҳолашда 4 гурухга мансуб бўлган кўрсаткичлардан фойдаланади [8]:

- ликвидлилик кўрсаткичлари;
- капиталнинг айланиши;
- жалб қилинган маблағлар;
- фойда кўрсаткичлари.

1-жадвал

Нью-Йорк (АҚШ) тижорат банкининг мижознинг кредит тўловига лаёқатлилигини баҳолашда қўллайдиган молиявий коэффициентлари ва уларнинг меъёрий даражалари [9]

Кредит тўловига лаёқатлилик кўрсаткичлари	Меъёрий даража
Жорий ликвидлилик коэффициенти	2 : 1
Тезкор ликвидлилик коэффициенти	1 : 1
Молиявий левериж коэффициенти	1 : 1
Молиявий маржа коэффициенти	1 гача

1-жадвал маълумотларидан кўринадики, Нью-Йорк банки мижозларнинг кредит тўловига лаёқатлилигини баҳолашда 4 та молиявий коэффициентдан фойдаланади. Республикализ банклари амалиётида мазкур коэффициентлар-

нинг фақат биттаси, яъни жорий ликвидлилик коэффициенти кўлланилади.

Тараққий этган мамлакатларнинг банк амалиётида юридик шахс мақомига эга бўлган мижозларнинг кредит тўловига лаёқатлилиги-

ни баҳолашда молиявий коэффициентлар усулидан ташқари мижознинг умумий пул оқими ни баҳолаш усулидан ҳам фойдаланилади.

Компаниянинг умумий пул оқими пул маблағлари кирими суммаси билан пул маблағлари чиқими суммаси ўртасидаги фарқ сифатида аниқланади.

Корхоналарда пул маблағларининг кирими қуидаги элементлардан ташкил топади:

- таҳлил қилинаётган давр мобайнида олинган фойда;
- асосий воситаларга ҳисобланган амортизация ажратмалари;
- дебитор қарздорлик ва товар-моддий захираларига жойланган маблағларнинг бўшаб қолиши;
- кредитор қарздорлик миқдорининг кўпайиши;
- тижорат банкларидан кредитлар олиш;
- акциядорлик капитали ва бошқа пассивлар суммасининг ошиши;
- молиявий грантлар жалб қилиш.

Корхоналарда пул маблағларининг чиқими, одатда, қуидаги элементлардан ташкил топади:

- дебитор қарздорлик ва товар-моддий захираларга қўшимча маблағлар жойлашириш;
- солиқлар, фоизлар, дивиденdlар, бўнаклар тўлаш;
- пея ва жарималар тўлаш;
- банклардан олинган кредитларни тўлаш;
- тижорат кредитлари бўйича асосий қарз суммаси ва фоизларни тўлаш;
- кредитор қарздорлик миқдорининг камайиши;
- акциядорлик капитали суммасининг камайиши.

Таъкидлаш жоизки, корхонанинг умумий пул оқимини таҳлил қилиш асосида унинг кредит тўловига лаёқатлигини баҳолаш амалиётининг икки шакли мавжуд.

Биринчи шаклда корхонанинг умумий пул оқимини барча қарз мажбуриятлари суммасига бўлиш орқали унинг кредит тўловига лаёқатлиги аниқланади (2-жадвал).

2-жадвал

Корхона умумий пул оқимининг унинг жами мажбуриятларига нисбатан даражасига қўра кредит тўловига лаёқатлилик мезонлари ва синфлари [10]

Умумий пул оқимининг жами қарз мажбуриятларига нисбатан даражаси	Кредит тўловига лаёқатлилик бўйича синфлар
0,75	I
0,50	II
0,30	III
0,25	IV
0,20	V
0,15	VI

2-жадвал маълумотларидан кўринадики, корхона умумий пул оқимининг жами қарз мажбуриятларига нисбатан даражаси қанчалик юқори бўлса, унинг кредит тўловига лаёқатлилик даражаси шунча юқори бўлади. Бу эса биринчидан, пул маблағларининг ликвидлилик даражаси энг юқори бўлган актив эканлиги билан, иккинчидан, тижорат банклари кредитларни корхонанинг жорий ҳисоб рақамидаги пул маблағлари ҳисобидан тўланиши билан изоҳланади.

В.Усоскиннинг тижорат банкларининг кредитлари таъминоти хусусидаги хулосаси тараққий этган мамлакатлар тижорат банкларининг кредитлаш амалиётини таҳлил қилиш натижаларига асосланган. Таъкидлаш жоизки, мазкур хулосанинг Ўзбекистон банк амалиёти учун қуидаги ўзига хос хусусиятлари мавжуд:

- республикамизда ер майдонлари давлатнинг мулки ҳисобланади, юридик шахслар жойлашган ер майдонлари тижорат банклари учун гаров объекти бўла олмайди;

- Ўзбекистон Республикаси иқтисодиётида тўловсизлик муаммоси мавжуд бўлганлиги сабабли (2022 йилнинг 1 январь ҳолатига қўра, республика иқтисодиётининг пул маблағлари билан таъминланганлик даражаси атиги 19,1 фоизни ташкил этди) дебитор қарздорликнинг айланиш тезлиги сезиларли даражада паст;

- тижорат банклари ва сурурта компаниялари ўртасидаги молиявий муносабатлар ривожланмаганлиги сабабли сурурта полисларининг тижорат банклари кредитларининг таъминоти ҳажмидаги салмоғи жуда кичик.

Тижорат банклари кредитларининг мижоз томонидан ўз вақтида ва тўлиқ қайтарилишини таъминлашда кредит олган мижозга қўйиладиган чеклов талаблари муҳим роль ўйнайди. Халқаро банк амалиётида бундай чекловлар мажмуига қуидагилар киради:

- айланма капитални маълум даражада сақлаб туриш мабуриятини ўрнатиш;
- акциядорлик капиталининг барқарор даражасини таъминлаб туриш;

- баланс коэффициентларининг белгиланган миқдорига риоя қилинишини таъминлаш (ликвидлилик коэффициенти ва шу кабилар);
- умумқабул қилинган барча бухгалтерия ҳисоби қоидаларига риоя қилган ҳолда тайёрланган молиявий ҳисбботларни доимий тарзда тақдим қилиш;
- молиявий ҳолатининг ҳар қандай ёмонлашганлиги ва ҳар қандай нокулай ўзгаришлар тўғрисида банкни хабардор қилиш;
- баҳтсиз ҳодисалардан зарур суғурталашни таъминлаш;
- солиқлар ва бошқа мажбуриятларни доимий тарзда тўлаш, уларнинг ўз вақтида тўланмаслиги мулкка тақиқ қўйилишига олиб келиши мумкин;
- бино ва иншоотларни зарур даражада таъмирлашни таъминлаш;
- банк ходимларига компаниянинг бухгалтерия китобларини текшириш имконини бериш керак, ушбу текшириш ҳисбботларда келтирилган маълумотларнинг тўғрилигини аниқлаш имконини беради;

– компанияга нисбатан қўлланилиши кўзда тутилаётган чоралар ёки суд орқали бўладиган таъқиблар тўғрисида банкка хабар бериш [11].

Тижорат банклари кредитларининг ўз вақтида ва тўлиқ қайтарилишига таъсир қилувчи асосий омиллардан бири бўлиб, тўловлар кетма-кетлиги ҳисобланади.

Ўзбекистон Республикасида ҳозирги даврда тўловларнинг мақсадли кетма-кетлиги қўлланилмоқда. Ушбу кетма-кетликда корхонанинг давлат бюджети олдидаги қарздорлигини тўлашга устуворлик берилади. Шу сабабли давлат бюджети олдида солиқлар бўйича муддати ўтган қарздорлиги бўлган корхоналар кредитлар бўйича тўловларни ўз вақтида амалга ошира олмайди. Бу эса кредит олмоқчи бўлган ва кредит олган мижозларнинг давлат бюджети олдидаги қарздорлигини ва ушбу қарздорликни ўз вақтида тўлай олиш имкониятларини баҳолаш заруратини юзага келтиради [12].

Ўзбекистон Республикаси банк амалиётида имтиёзли кредитлар бўйича кредит риски тижорат банкларининг зиммасига юкланган. Бу эса имтиёзли кредитлар бўйича тўлов юкини ва қоплаш манбаларини тўғри ва аниқ ҳисоблаш заруратини юзага келтиради.

Тараққий этган мамлакатларда имтиёзли кредитлар тижорат банклари томонидан берилади, аммо кредит риски тижорат банкларининг зиммасига юкланмайди. Балки қайтмаган имтиёзли кредит суммаси ваколатли давлат органининг харажатига олиб борилади. Масалан, АҚШда кичик бизнес субъектларга берилган ва қайтмаган имтиёзли кредитлар суммаси

максус ваколатли давлат органи – Кичик бизнес маъмуриятининг харажатига олиб борилади.

Хулоса ва тавсиялар. Тадқиқот жараёнида қуйидаги хулосаларни шакллантиридик:

Нью-Йорк банки мижозларнинг кредит тўловига лаёқатлилигини баҳолашда 4 та молиявий коэффициентдан фойдаланади. Республикамиз банклари амалиётида мазкур коэффициентларнинг фақат биттаси, яъни жорий ликвидлилик коэффициенти қўлланилади.

Тараққий этган мамлакатларнинг банк амалиётида юридик шахс мақомига эга бўлган мижозларнинг кредит тўловига лаёқатлилигини баҳолашда молиявий коэффициентлар усулидан ташқари мижознинг умумий пул оқимини баҳолаш усулидан ҳам фойдаланилади.

Корхонанинг умумий пул оқимини таҳлил қилиш асосида унинг кредит тўловига лаёқатлилигини баҳолаш амалиёти корхонанинг умумий пул оқимини барча қарз мажбуриятлари суммасига бўлиш орқали унинг кредит тўловига лаёқатлилиги аниқланади.

Корхона умумий пул оқимининг жами қарз мажбуриятларига нисбатан даражаси қанчалик юқори бўлса, унинг кредит тўловига лаёқатлилик даражаси шунча юқори бўлиши, биринчидан, пул маблағларининг ликвидлилик даражаси энг юқори бўлган актив эканлиги билан, иккинчидан, тижорат банклари кредитларини корхонанинг жорий ҳисоб рақамидаги пул маблағлари ҳисобидан тўланиши билан изоҳланади.

Фикримизча, кредит механизмининг элементлари ўртасидаги алоқадорликни таъминлаш учун қуйидаги тадбирларни амалга ошириш лозим:

1. Мижозларнинг кредит тўловига лаёқатлилигини баҳолаш тартибини такомиллаштириш орқали кредит рискини бошқаришини такомиллаштириш мақсадида, биринчидан, юридик шахс мақомига эга бўлган мижозларнинг кредит тўловига лаёқатлилигини баҳолашда “5С” қоидасидан фойдаланиш лозим; иккинчидан, ишлаб чиқариш даври қисқа бўлган ва барқарор пул оқимига эга бўлган мижозларни алоҳида гуруҳга ажратган ҳолда, уларнинг кредит тўловига лаёқатлилигини умумий пул оқимининг мажбуриятларга нисбатан даражасидан келиб чиқсан ҳолда баҳолаш керак; учинчидан, мижозларнинг кредит тўловига лаёқатлилигини аниқлашда уларнинг фаолиятига молиявий рискларнинг таъсирини ҳисобга олиш лозим.

Тараққий этган мамлакатларнинг банк амалиётида мижозларнинг кредит тўловига лаёқатлилигини баҳолашда “5С” қоидасидан кенг фойдаланилмоқда. Мазкур қоида мижознинг кредит тўловига лаёқатлилигини тавсифловчи асосий жиҳатларни аниқ баҳолаш имконини беради.

“5С” қоидаси қуйидаги элементлардан иборат:

- character (мижознинг характеристи);
- capacity (молиявий имкониятлар);
- capital (капитал, мулки);
- colleteral (таъминот);
- conditions (умумий иқтисодий шароит).

2. Кредитлаш шаклларидан тўлақонли (комплекс) фойдаланишни таъминлаш учун, биринчидан, ишлаб чиқариш даври қисқа бўлган ва барқарор пул оқимига эга бўлган мижозларни алоҳида гуруҳга ажратган ҳолда, уларга бериладиган овердрафт кредитлари ҳажмини ошириш зарур; иккинчидан, тўловга қобиллик даражаси юқори бўлган ва лойиҳа ташаббуско-

ри мақомига эга бўлган мижозларга контокорент кредитларини беришни йўлга қўйиш керак; учинчидан, барқарор пул оқимига эга бўлмаган, аммо юқори ликвидли гаров обьектига эга бўлган мижозларга алоҳида ссуда ҳисобварағидан бир маротабали кредитлар бериш лозим; тўртинчидан, тўлова қобиллик рейтинги юқори бўлган ҳамкорларга эга бўлган мижозлар – мол етказиб берувчилаарга факторинг ва форфорейтинг кредитлари беришни йўлга қўйиш зарур; бешинчидан, муддатли ликвидлилик коэффициенти юқори бўлган мижозларга лизинг кредитлари бериш кўламини кенгайтириш керак.

Манба ва фойдаланилган адабиётлар:

1. Ўзбекистон Республикаси Президентининг 2020 йил 12 майдаги ПФ-5992-сонли “2020-2025 йилларга мўлжалланган Ўзбекистон Республикасининг банк тизимини ислоҳ қилиш стратегияси тўғрисида”ги фармони. // Қонун ҳужжатлари маълумотлари миллий базаси, 13.05.2020 й., 06/20/5992/0581-сон; Қонунчилик маълумотлари миллий базаси, 18.10.2021 й., 06/21/6325/0972-сон; 30.12.2021 й., 06/21/42/1224-сон, 18.03.2022 й., 06/22/89/0227-сон; 10.06.2022 й., 06/22/152/0507-сон; 27.04.2023 й., 06/23/62/0232-сон; 07.07.2023 й., 06/23/108/0460-сон.
2. Банковское дело. Учебник. Под ред. проф. О.И.Лаврушина. – М.: КНОРУС, 2016. – 800 с.; Бровкина Н.Е. Организация отдельных видов кредита. Банковское дело. – М.: КНОРУС, 2016. – 800 с.; Панова Г.С. Кредитная политика коммерческого банка. – М.: ИКЦ «ДИС», 1997. – 464 с.; Синки Дж. Финансовый менеджмент в коммерческом банке и в индустрии финансовых услуг. Пер. с англ. – М.:Альпина Паблишер, 2017. – 1018 с.
3. Лаврушин О.И. Банковские риски. Учебник. – М.: КНОРУС, 2019. –292 с.
4. Шкарупа Е.А. Роль кредитного механизма функционирования финансово-кредитной инфраструктуры в расширении предпринимательского потенциала населения (на примере сельскохозяйственных товаропроизводителей). // Современные проблемы науки и образования. 2014. № 5. URL: <http://science-education.ru/119-15255> (дата обращения: 20.03.2017).
5. Роднина А.Ю. К вопросу о взаимосвязи кредита как кругооборотного процесса со структурно-функциональным под-ходом к определению кредитного механизма. // Многоуровневое общественное воспроизводство: вопросы теории и практики. 2013. № 5. С. 237-247.
6. Усоскин В.М. Современный коммерческий банк: Управление и операции. – М.: ЛЕНАНД, 2019. С. 213.
7. Алимардонов И.М. Кичик бизнес субъектларини кредитлашнинг услугубий ва амалий асосларини такомилластириш. И.ф.д. дисс. автореф. – Т., 2018. – 61 б.
8. Синки мл. Д.Ф. Управление финансами в коммерческом банке. Пер. с англ. – М.: Саталлахи. 1997. С. 182.
9. Банковское дело. Учебник. Под ред. проф. О.И.Лаврушина. – М.: КНОРУС, 2016. С. 367.
10. Банковское дело. Под ред. проф. О.И.Лаврушина. Учебник. – М.: КНОРУС, 2008. С. 387.
11. Усоскин В.М. Современный коммерческий банк: Управление и операции. – М.: ЛЕНАНД, 2019. С. 262.
12. Гадоев С.Ж. Тижорат банкларида ликвидлилик рискини бошқаришнинг долзарб масалалари. // Молия. – Т., 2019. 4-сон. 43-50-б.